



MERI LICHA: Dr Ahmad meri licha ngagai nembiaik sereta bala pengajar sekula enggau mega nembiaik UPMKB.

150 iku nembiaik Diploma Perhutanan UPMKB udah bejalaika aktiviti ngatur landskap gadung

BINTULU: Bisi 150 iku nembiaik Diploma Perhutanan nyengkaum pengelicha Universiti Putra Malaysia Kampus Bintulu (UPMKB), bala pengajar enggau nembiaik sekula primari dipadaha bekaul enggau aktiviti gadung landskap sekula enggau pengawa nanam pun kayu ba begunaan baru Sekula Primari (SK) Rancangan Sepupok Niah Miri, bedau lama ti udah.

Aktiviti tu khas dikena ngadaka rampa menua ti gadung di kandang sekula nya lalu mega diatur enggau demonstrasyon ngaga kompos ari laluh pemakai sereta barang organik baka daun ti rangkai sereta rumput nyengkaum pengawa bekunsika penemu praktikal bekaul

enggau pengawa ngatur chara muai uras enggau mulaika pemanah pun pemisi.

Program ti diberi nama SeRancak 'Green Environment For A Greener Future' 2024 kena 10 enggau 11 Oktober tu mega sama udah digulu Pengelicha Kus Ekologi Kampung Dr Ahmad Mustapha Mohamad Pazi.

Ku iya, program nengah chara 'Service-Learning Malaysia University for Society' (SULAM) enggai Sains, Teknologi, Injiniring enggau Matematik (STEM) tu mujur dipejalaika ba sekula tu.

"Program tu iya nya kaul ari pengerami ngintu Hari FLora enggau Fauna nyin tadi lalu taun tu SK Rancangan Sepupok begulai enggau UPMKB sama ngemujurka

Program Hari Rampa Menua beserrimbai enggau Minggu STEM sekula tu," ku iya.

Iya madah, aktiviti bukai ti sama diatur kena ngerichahka program tu iya nya senamrobik begulai enggau SeRancak FC, sukaneka enggau program Malam Main Asal SeRancak 'Green Environment'.

Ku iya, licha bekaul enggau pemerat biodiversiti enggau rampa menua mega diatur lalu udah diberi iya ngagai bala nembiaik sereta raban SK Rancangan Sepupok.

"Program tu mega dikena ngangkatka penyedar bekaul enggau pengawa mulaika pemanah rampa menua lalu nerenakka pengerindu bala nembiaik sekula dalam bidang STEM," ku iya.